

## Hóan-séng

Chēng-gî

Kin-á-jit tī tō-su-kóan “tà-kong (打工)” ê sî-chūn, 2 ê gōa-kok-lâng thèh 1 pún phō-á lâi mñg góa bûn-tê. Phō-á téng-thâu siá..ê sî English, in chhùi-nih kóng..ê mā sî English, ná chhin-chhiū<sup>n</sup> chia (Tâi-ôan) tiòh sî in ê kok-ka kóan!

Sit-chāi siū<sup>n</sup> lóng bô, tōa-pō-hûn Tâi-ôan-lâng gōa-kok-lâng, iû-kî sî tùi se-hng lâi..ê, bô-lûn sî siá<sup>n</sup>-mih sek..ê, chí-iàu sî pêh-sek..ê, kim-mo..ê, tiòh ná chhin-chhiū<sup>n</sup> khòa<sup>n</sup>-tiòh chû-lâng kāng-khóan, sûi tiòh chai-iá<sup>n</sup> ài iōng English kap in kóng-ōe! Phôe-hu sî pêh-sek ê lâng, i ê bú-gí kiám tiòh it-têng sî English? Kēng-ka khó-ò<sup>n</sup>..ê sî, chit-khóan gōa-kok-lâng mā tòng-chò in sî chû-lâng, mñ-kóan kàu tó-üi lóng mñ-khéng iōng tong-tê ê gí-giân lâi kóng-ōe.

Pát-lâng khòa<sup>n</sup> lán bô, Tâi-ôan-lâng sòa ôh in ê gí-giân, koh ôh kah beh khí-siáu, ôan-chhôan bô hóan-séng chit-khóan bô pêng-téng ê tâi-chì!

Kau-liû sî hó..ê, mñ-kú khòa<sup>n</sup> ê khí ka-kî chòk-kûn bûn-hòa ê sim-thài, che chiah sî koh khah tiōng-iàu..ê!

Hi-bâng ū 1 kang, Tâi-ôan-lâng ê-sái kap Hoat-kok-lâng kāng-khóan, kâ beh iōng English kap lán kóng-ōe ê chû-tâi-chiá kóng, “Phái<sup>n</sup>-sè! Chhiá<sup>n</sup> lí iōng Tâi-gí!”